



29.04.2022
Broj: 01-12-1-7/22
Sarajevo, 29.4.2022. godine

INSTITUCIJA OMBUDSMANA
ZA LJUDSKA PRAVA BOSNE I HERCEGOVINE
Dubrovačka 6
71 000 Sarajevo

PREDMET: Izjašnjenje o žalbi Rifata Tirka po osnovu ZOSPI

Veza: Vaš akt broj: Ž-SA-05-331 od 19.4.2022. godine

Poštovani,

U skladu sa Zakonom o slobodi pristupa informacijama u Bosni i Hercegovini („Službeni glasnik BiH“, br. 28/00, 45/06, 102/09, 62/11 i 100/13) i ovlaštenjima Institucije obudsmena za ljudska prava BiH koje proističu iz tog zakona, obavještavamo Vas da smo provjerili sve navode iz Vašeg dopisa i žalbe Rifata Tirka.

Uvidom u dostavljenu žalbu i pregledom zaprimljene pošte u Ministarstvu finansija i trezora BiH utvrđeno je da Rifat Tirak nije dostavio 15.6.2021. godine zahtjev za pristup informacijama ni putem elektronske pošte niti je zahtjev dostavljen i evidentiran u Pisarnici.

Pregledom pristigle pošte u Ministarstvu finansija i trezora BiH utvrdili smo da je jedini dopis u 2021. godini sa adrese Rifata Tiraka dostavljen putem elektronske pošte 7.4.2021. godine. Dopis, koji vam dostavljamo u prilogu ovog dokumenta, ne odnosi se na Zakon o slobodi pristupa informacijama u BiH nego je riječ o pismu koje je proslijeđeno na adrese nekoliko institucija BiH među kojima je i Ministarstvo finansija i trezora BiH.

S obzirom na to da s gospodinom Tirkom već godinama uspješno sarađujemo, smatramo da je postojala mogućnost da podnosilac žalbe pošalje urgenciju ili se raspita u vezi sa zahtjevom o slobodnom pristupu informacijama nakon čega bismo utvrdili da sporni zahtjev nije ni stigao na adresu Ministarstva finansija i trezora BiH.

Zbog svega navedenog smatramao da je žalba Rifata Tirka neosnovana te očekujemo da bude odbačena.

S poštovanjem,



Prilog:

-Dopis Rifata Tirka (Tir 20 br. 15-1-1/OLL) od 7. 4. 2021. godine

Dostavljeno:


-naslovu

-a/a



Broj: **Ž-SA-05-331/22**

Datum: 18.04.2022. godine



Ministarstvo finansija i trezora Bosne i Hercegovine

Trg BiH 1

71000 Sarajevo

Predmet: Informacija u vezi sa žalbom Tirak Rifata, traži se-

Institucija Ombudsmena za ljudska prava Bosne i Hercegovine (u daljem tekstu: institucija Ombudsmena), zaprimila je dana 04.04.2022. godine žalbu **Tirak Riftata** i registrovala je pod brojem **Ž-SA-05-331/22**.

Podnositelj žalbe ističe da je Ministarstvu finansija/financija i trezora Bosne i Hercegovine na osnovu Zakona o slobodi pristupa informacijama dostavio dana 15.06.2021. godine zahtjev za pristup informacijama, tražeći sljedeće informacije

1. *“Na osnovu kojih Zakona ili bilo kojih drugih propisa ste se odlučili da na navedenoj sjednici glasate za ratifikaciju sporazuma ovog Sporazuma obzirom na Odjeljak III, tačka 1, pod jj Ustava Bosne i Hercegovine kao i važne činjenice da će susjedne države kontrolisati bh vazdušni proctor iz svoje teritorije, vojnim radarima što je grubo narušavanje suvereniteta i teritorijalnog integriteta Bosne i Hercegovine,*
2. *Na osnovu koji Zakona ili bili kojih drugih propisa ste se odlučili da na navedenoj sjednici glasate da sudovi drugih država budu nadležni na teritoriji Bosne i Hercegovine kako je to regulisano tačkom 11 usvojenog Sporazuma,*
3. *Ovaj saziv Vijeća ministara je svake godine usvajao Odluku o raspoređivanju sredstava dobiven od en-ruta taksi u kojoj je svaki put regulisano da se daju ogromna sredstva institucijama susjednih država jer oni, navodno, pružaju usluge u našem vazdušnom prostoru pa je interesantno objaviti javnosti na osnovu kojih zakona i drugih propisa ste glasali, za usvajanje takvih Odluka kada nije bilo niti jednog važećeg Sporazuma sa susjednim državama.*
4. *Posebno je interesantna zadnja Odluka o rasporedu sredstava dobivenih od en-ruta taksi za 2020. godinu kojom se izostavlja plaćanje Republici Srbiji i Crnoj Gori a plaća se drugom susjedu republici Hrvatskoj. Na osnovu kojih Zakona i drugih propisa ste, također glasali za tu i takvu odluku obzirom da se iz Odluke izostavljaju sve susjedne države osim Hrvatske...”*

Podnositelj žalbe navodi da u zakonom propisanom roku nije zaprimio odgovor u vezi sa podnesenim zahtjevom

Ombudsmeni za ljudska prava Bosne i Hercegovine odlučili su provesti postupak istraživanja, te Vas, u cilju provjere žalbenih navoda, pozivamo da, u skladu sa članom 23. i 25. *Zakona o ombudsmenu za ljudska prava Bosne i Hercegovine*¹ i članom 14. *Pravila postupka institucije Ombudsmena za ljudska prava Bosne i Hercegovine*², instituciji Ombudsmena dostavite informaciju da li je zaprimljen zahtjev za pristup informacijama Zirak Rifata, podnesen dana 15.06.2021. godine, da li je isti razmatran, odnosno da li je o istom donesena odluka. Ukoliko je doneseno Rješenje, potrebno je kopiju istog dostaviti instituciji Ombudsmena na uvid.

Navedene informacije potrebno je dostaviti u roku od 10 dana od dana prijema ovog akta s pozivom na gore naznačeni broj predmeta.

S poštovanjem,

**Po ovlaštenju Ombudsmena BiH,
Pomoćnika Ombudsmena BiH**

Mirna Hadživdić

Dostavljeno:

1x naslovu
1x žalitelju
1x u spis

¹ „Službeni glasnik BiH“, broj: 19/02, 35/04 i 32/06

² „Službeni glasnik BiH“, broj 104/11